

Morning Dogri (NSD) Bulletin 26-12-2024

आकाशवाणी

- राष्ट्रपति द्रौपदी मुर्मू होर 17 बच्चें गी उंदी शानदारी उपलब्धिएं पर प्रधानमंत्री राष्ट्र बाल पुरस्कार भेंट करडन।
- प्रधानमंत्री नरेंद्र मोदी होर भारत मंडपम च वीर बाल दिवस समारोह च शामिल होडन।
- आई.ए.एस अधिकारी अरूणीश चावला होरें गी खजाना मंत्रालय च वित्त सचिव नियुक्त कीता गेआ ऐ।
- ई.पी.एफ.ओ च इस बरे अक्तूबर म्हीने 73 लख 41 जहार नमें मिम्बरें दा बाद्दा होआ ऐ।
- मौसम मैहकमे नै उत्तर भारत दे केई राज्यें च सीत लैहर, घनी धुंध ते बरखा दी पेशनगोई कीती ऐ।

<><><><><><>

Prez. Bal Puraskar

राष्ट्रपति द्रौपदी मुर्मू होर अज्ज नमीं दिल्ली च 7 वर्गें च असाधारण उपलब्धियें आस्तै 17 बच्चें गी प्रधानमंत्री राष्ट्रीय बाल पुरस्कार भेंट करडन। पुरस्कार हासल करने आहले बच्चे 14 राज्यें ते केंद्र शासित प्रदेशें थवां न।

सरकार कला ते संस्कृति, बहादुरी, नमिएं काह्डें, विज्ञान ते टेक्नॉलॉजी, समाज सेवा, खेडू ते पर्यावरण दे खेत्तरे च बच्चे दी उपलब्धियें आस्तै बाल पुरस्कार भेंट करदी ऐ। ईनाम हासल करने आहले हर बच्चे गी तगमा, प्रमाण पत्तर ते संदर्भ पुस्तिका दित्ती जंदी ऐ।

<><><><><><>

PM-Veer Bal Diwas

प्रधानमंत्री नरेंद्र मोदी होर अज्ज नमीं दिल्ली दे भारत मंडपम च राष्ट्रव्यापी उत्सव वीर बाल दिवस च हिस्सा लैडन। मुलखे दे भविष्य निर्माता दे तौर पर बच्चे गी सम्मानित करने आस्तै एहदा सरिस्ता कीता जा रदा ऐ। इस मौके पर ओहू उत्थे मौजूद लोकें गी बी संबोधित करडन। 2022 बरे च मोदी होरें 26 दिसंबर गी वीर बाल दिवस दे तौर पर मनाने दी घोषणा कीती ही। एहू दिन गुरु गोबिंद सिंह हुंदे 4 साहिबजादे दे साहस ते बलिदान गी सम्मान देने आस्तै मनाया जंदा ऐ।

<><><><><><>

PM-Card

प्रधानमंत्री नरेंद्र मोदी होर कल स्वामित्व योजना तैहत 58 लख संपत्ति कार्ड बंडडन। श्री मोदी होर कार्यक्रम दौरान लाभार्थी कन्नै गल्लबात बी करडन। इस योजना तैहत ग्रामीण आबादी जां रिहायशी इलाकें च रौहने आहले संपत्ति दे मालकें गी उंदा हक दित्ता जंदा ऐ। पंचायती राज मंत्रालय नै आखेआ ऐ जे स्वामित्व योजना तैहत संपत्ति दे मालकें गी उंदी संपत्ति दे मालिकाना हक दा प्रमाण दित्ता जंदा ऐ।

नमीं दिल्ली च पत्रकारें कन्नै गल्लबात करदे होई पंचायती राज मैहकमे दे सचिव विवेक भारद्वाज होरें आखेआ जे इस योजना तैहत तकरीबन 3 लख 17 ज्हार ग्राएं दा ड्रोनें राएं निरीक्षण कीता ते 1 लख 37 ज्हार करोड़ स्क्वेयर मीटर रिहायशी इलाकें दा नक्शा बनाया।

<><><><><><>

Arunish Chawla

1992 बैच दे बिहार कैडर दे आईएएस अधिकारी अरूणीश चावला होरें गी खजाना मंत्रालय च वित्त सचिव दे तौरा पर नियुक्त कीता गेआ ऐ। श्री चावला होर पैहले रसायने ते हैलें सरबंधी मंत्रालय दे तौरा पर कम्म करा'रदे हे। इयां गै U.I.A.I. दे मुख् कार्जकारी अधिकारी अमित अग्रवाल होरें गी नमां फार्मास्यूटिकल सचिव नियुक्त कीता गेआ ऐ। मणिपुर दे मुख् सचिव विनीत जोशी होरें गी उच्च शिक्षा मंत्रालय च उच्च शिक्षा सचिव नियुक्त कीता गेआ ऐ। सूचना ते प्रसारण मंत्रालय च विशेष सचिव नीरजा शेखर होर राष्ट्रीय उत्पादकता काउंसल दी नमीं महानिदेशक होंगन। कपड़ा मैहकमे दी सचिव रचना शाह होरें गी सिखलाई, D.O.P.T. दा सचिव नियुक्त कीता गेआ ऐ।

<><><><><><>

EPFO

कर्मचारी भविष्य निधि संगठन-E.P.F.O दे सदस्यें दी गिनतरी च इस बरे अक्तूबर महीने दौरान 13 लख 41 ज्हार सदस्यें दा बाद्दा होआ ऐ।

श्रम ते रोजगार मंत्रालय नै एहू जानकारी दिंदे होई आखेआ जे सदस्यें च बाहे दा श्रय रोजगार दे बददे मौकें, कर्मचारी लाहू बारै च बददी जागरूकता ते ई.पी.एफ.ओ दे असरदार आउटरीच जत्त गी दित्ता जाई सकदा ऐ। पेट्रोल डेटाविं पता लगदा ऐ जे मौजूदा माली बरे दे अक्तूबर म्हीने च लगभग 7 लक्ख 25 ज्हार नमें सदस्य ई.पी.एफ.ओ च शामिल होए। पता लगदा ऐ जे नमें शामिल होए दे सदस्यें च 18 थ्वां 25 बरे तगर दी बरेसू दे युवा सब्बनें थ्वां मते न। इस अवधि दौरान जुड़े दे कुल सदस्यें च इदां योगदान 58 फीसद थ्वां बढ़ ऐ।

<><><><><><>

IMD

राष्ट्रीय राजधानी दिल्ली दे केई सारे इलाकें च अज्ज बडुलै कोहरे दी चादर छाई दी रेई ते दिल्ली च घटोघट्ट तापमान 7 डिग्री सैल्यिस दर्ज कीता गेआ। मौसम विभाग नै दिल्ली च संझा लै हल्की बरखा पौने दा अनुमान जाहिर कीता ऐ। दिल्ली च हवा दी गुणवत्ता बड़ी मती खराब श्रेणी च बनी दी ऐ। केंद्री प्रदूषण नियंत्रण बोर्ड मूजब बडुलै 7 बजे हवा दी गुणवत्ता आहला सूचकांक 342 दर्ज कीता गेआ। मौसम विभाग नै जम्मू ते कश्मीर, लद्दाख, गिलगित-बाल्तिस्तान, मुजफ्फराबाद, पंजाब ते हिमाचल प्रदेश च सीत लैहर जारी रौहने दी पेशगोई कीती ऐ। हिमाचल प्रदेश, पंजाब, हरियाणा, चंडीगढ़, दिल्ली, उत्तर प्रदेश, बिहार, ओडिशा, असम ते मेघालय दी बक्ख-बक्ख थाहरें पर चिरें रातीं ते बडुलै घना कोहरा छाए दा रौहगा।

<><><><><><>

NDA-Meeting

राष्ट्रीय जनतांत्रिक गठबंधन एनडीए के नेताओं की कल इक बैठक केंद्रीय मंत्री के भारतीय जनता पार्टी के अध्यक्ष जे.पी. नड्डा हुंके नमीं दिल्ली स्थित आवास पर होई। इस बैठक का मकसद गठबंधन के सहयोगिण बंशकार तालमेल की मजबूत करना हा। इस बैठक च तेलुगु देशम पार्टी अध्यक्ष के आंध्र प्रदेश के मुख्यमंत्री एन. चंद्र बाबू नायडू, भारती जनता पार्टी के वरिष्ठ नेता के केंद्रीय गृह मंत्री अमित शाह, जनता दल यूनाइटेड के नेता के पंचैती राज मंत्री राजवी रंजन सिंह, जनता दल सेक्यूलर नेता के भारी उद्योग मंत्री एच.डी कुमारस्वामी शामिल होए। इस बैठक च हिंदुस्तानी अवाम मोर्चा के नेता के केंद्रीय मंत्री जीवन राम मांझी, केंद्रीय सेहत राज्यमंत्री अनुप्रिया पटेल के राष्ट्रीय लोक मोर्चा के अध्यक्ष उपेंद्र कुशवाहा शामिल हे।

<><><><><><>

MT-Film

मंत्रालय फिल्म निर्माता के लेखक एम.टी. वासुदेवन नायर जिनेंगी एम.टी. के नां कन्नै जानेआ जंदा ऐ, हुंदा 91 की रम्र च जंदी रातीं कोजीकोई के इक निजी अस्पताल च देहांत होई गेआ। उनेंगी इस म्हीने की 15 तरीक की कसरी होने पर अस्पताल भर्ती करवाया गेआ हा।

<><><><><><>

Bumrah

भारत दे तेज गेंदबाज जसप्रीत बुमराह नै मर्दे दी आई.सी.सी टेस्ट गेंदबाजी दर्जेबंदी च ऐतिहासिक पड़ाऽ हासल करदे होई 904 अंके दी रेटिंग हासल कीती ऐ जेड़ी की कुसा बी भारतीय गेंदबाज आसेआ हासल कीती गेदी रेटिंग दे बरोबर ऐ। एहदे श्वां पैळले रविचंद्रन अश्विन नै 904 अंके दी रेटिंग हासल कीती ही।

<><><><><><>

Shooting

नमीं दिल्ली च खेड़ी जा रदी राश्ट्रीय निशानेबाजी प्रतियोगिता च महेश्वरी चौहान ते अनन्तजीत सिंह दी जोड़ी नै अपने गृह राज्य लेई राजाध्यान लेई स्ट्रीट मिक्स्ड टीम खिताब जित्तेआ ऐ। डॉ. कर्णी सिंह शूटिंग रेंज च खेड़े गेऐद फाइनल मुकाबले च उनें उत्तर प्रदेश दी जोड़ी मैराज अहमद खान ते अरीबा खान गी कड़े मुकाबले च 44-43 कन्नै हराया। पंजाब दी गनेमत सेखों ते अभय सिंह दी जोड़ी नै कैं दा तगमा जित्तेआ।

<><><><><><>